

PAG-UNLAD PANGKAALAMAN

4.1 Malaman ang iba't ibang uri ng pananaliksik

MGA URI NG PANANALIKSIK

Ang uri ng pananaliksik na tumutukoy sa sistematikong kalipunan ng mga metodo o pamamaraan at proseso ng imbestigasyon na ginagamit sa pangangalap ng datos sa isang pananaliksik. Mayroon pang ibang uri ng pananaliksik tulad ng;

1. **Applied research** – ito naman ay gumagamit ng sopistikasyon, sapagkat ito ay konklusyon at estadistika. Karaniwang ito ay bunga ng pagsasagawa ayon sa hinihinging panahon.
2. **Pure research** - ito ay ginagawa ng isang tao sa sariling kasiyahan upang maunawaan ang isang bagay na gumugulo sa kaniyang isipan. Maarii naman itong gawin ayon sa hilig ngmananaliksik.
3. **Empirical o Mala** – siyentipiko, ito ay nangangailangan ng malalim na pagsusuri ng mga ebidensiya at aktuwal na mga datos.

Pamamaraan sa Pananaliksik

Narito ang ilan sa mga pamamaraang kadalasang ginagamit sa pananaliksik

Deskriptibong Pamamaraan

Layon ng deskriptibong pananaliksik na tugunin ang mga katanungang sino, ano, kailan, saan at paano ng isang partikular na paksain.

Sinusubukan din nitong ilarawan ang kasalukuyang kalagayan, kaganapan o mga sistema batay sa impresyon o reaksiyon ng mga respondente.

Ayon kay Alipio M. Garcia, ang deskriptibong pananaliksik ay kinabibilangan ng lahat ng mga pag-aaral na magpapakahulugan sa kasalukuyang katotohanan na may kinalaman

Filipino sa Iba't ibang Disiplina

FILDIS

sa kaligiran at kalagayan ng anomang pagsasa-isangpangkat ng tao, bilang ng mga bagay, hanay ng mga kalagayan uri ng kaganapan, hanay ng mga kaisipan o anumang ibang uri ng penomenon na nais na pag-aaral ng isang mananaliksik. Dagdag pa ni Garcia ang pangunahing layunin sa paggamit ng pamamaraang deskriptibo ay upang mailarawan ang kaligiran ng isang kaganapan sa panahon ng pananaliksik at upang makita sa higit na malalim na bahagi ang dahilan ng isang partikular na penomenon.

4.2 Maipaliwanag ang mahigpit na ugnayan ng pagpapalakas ng wikang pambansa,sa pagtuklang ng mga uri at anyo ng pananaliksik sa iba't ibang disiplina

Historikal na Pamamaraan

Ang Historikal na Pamamaraan ay kaiba sa tunguhin ng isang deskriptibong pananaliksik na ilarawan ang kasalukuyang nagaganap.

Layon naman ng isang pangkasaysayang pananaliksik na ilarawan ang nakaraan o naganap na.

Sa pagsasagawa ng ganitong uri ng pananaliksik, nangangalap ng mga datos at impormasyon ang mananaliksik na may kaugnayan sa nakaraang kalagayan. Ang mga nakalap na mga datos at impormasyon ng mananaliksik ang siya niyang gagamitin upang mailarawan ang epekto ng mga kalagayan, kaganapan at sistema ng nakaraan sa kasalukuyang nangingibabaw na kalkaran at kung ano ang magaganap sa hinaharap.

Eksperimental na Pamamaraan

Ayon kay Luke Wales Mailalarawan ang isang eksperimental na gamit ang mga sumusunod na katangian

1. Ang baryabol na sumasailalim sa pag-aaaral ay maaaring isagawa o gamitin at maaaring matukoy ang kaligiran nito.
2. Ang resulta mula sa aplikasyon o paggamit nito ay maaring matukoy at masukat na may kaugnayan sa inilahad na suliranin.

Filipino sa Iba't ibang Disiplina

FILDIS

3. Natutukoy ang mga baryabol na walang kinalaman sa suliranin na maaaring makaapekto sa materyal na resulta.
4. Ang pag-aaral o eksperimento ay kinakailangang makalikha ng balidong resulta panlabas o panloob. Ang panloob na balidad ay nangangahulugang na walang anomang lilitaw na walang kinalaman sa pag-aaral na hindi dumaan sa pagsusuri.

Etnograpikong Pamamaraan

Higit sa pagpunta sa mga aklatan at pagsangguni sa mga panakasulat na batis, kailangang magmasid at makipamuhay ang mananaliksik sa pamamaraang Etnograpiko. Batay kay Eugene Y. Evasco tatlong antas ng pagpapakahulugan ang pamamaraang etnograpiko.

Una- bilang pangunahing metodolohiya ang antropolohiya, tumutukoy ito sa kalipunan ng mga metodo para sa organisadong paglalarawan ng isang pamayanan o grupo ng tao.

Pangalawa- Pinapakahulugan ang etnograpikong pamamaraan bilang dokumentasyong isinasagawa ng isang antropologo o ng sinong nagsasagawa ng sistematikong pagtatala ng mga kultura.

Pangatlo- tumutukoy rin ang etnograpikong pamamaraan sa isang estilo o paraan ng pagsusulat. Tinatawag itong *ethographic writing*, kakikitaan ito ng pagiging deskriptibo, repleksibo at pagkamalikhain.

Ang halaga ng Pananaliksik

- Sa pamamagitan ng pananaliksik, lumalawak at lumalalim ang karanasan ng tao, hindi lang tungkol sa partikular na paksang pinag-aaralan niya, kundi sa lipunang nagsisilbing konteksto ng kaniyang pananaliksik.
- Magkakaroon siya ng pagkakataong makasalamuha ang kapuwa at nakikita niya ang bisa ng pananaliksik upang mapabuti.
- Ang pananaliksik ay lalong mailalatag ang halaga ng pananaliksik kung isasaalang-alang ang pangangailangan ng lipunang kinalulugaran nito.